

中華民國九年

庚申歲冬編刊

赤溪縣志序

州縣立志肇自前明明之重州縣志書猶漢之重郡縣
守令以其與民親近而堅于信託也封建制度易爲郡
縣則一朝之畫疆分治起于縣一代之徵文考獻亦必
先于縣縣無大小皆有土地人民政事其六科之典守
實舉朝廷六官之職司而皆備之固儼然具體而微之
侯封也故頒布憲章法度從上而敷于下者至縣而終
采摭風謠政俗由下而申于上者以縣爲始縣之中輿
地之形勢也建設之源流也物產之豐嗇也風氣之淳
漓也政教之隆替也人材之興衰也民生之苦樂也物
情之向背也今昔雜陳洪纖備列國家網羅載籍稽求

登記號 77033

38年3月2日

913.233
4032

掌故此焉徵取宰治者因勢利道孰當因革孰當損益孰爲緩急孰爲先後亦展卷而得所鑒焉縣之有志不綦重哉赤溪爲縣設立在危難之時建置在偏僻之地幅幘褊小規模草創泥迹者或苦其太局然時經危難其人堅苦卓絕皆具發奮淬礪之精神地處偏僻其境依山俯海實據雄偉壯濶之形勢志遠者得藉以爲資昔竇融保河西以遺中原之種田疇居無終而成都邑之規何莫非偏隅之地歟獨是創制未久典策漶漫前事易忘後此何觀官與民皆以爲闕事爰集衆力倡編志乘禮聘

際熙

總司纂輯

熙

奔竄餘生鉛槧束閣何敢

抗顏筆削惟昔曾設教是邦革造始末旣聞梗概作述

得失不無系屬義詎容辭藉采訪諸君勤于搜剔分纂
羣彥善爲編摩熙操觚而從其後星霜再易聿觀厥成
其於職方之所紀載匠人之所規度旬宣之所布濩循
良之所留遺以至弓旌之盛典幽潛之節操里巷之見
聞機祥之徵應藻翰之傳誦崖石之摩挲博訪旁搜日
張綱舉登錄無闕法戒斯存生斯土者知啟闢之所由
則知所以興起官斯土者知休戚之所在則知所以措
施進而輶軒下賁太史上陳知其俗尙土宜則知所以
興利而除弊則此業之成固不僅取備繁文空災梨棗
也已舊史官增城賴際熙序

中華民國九年

仲冬刊

序

丙寅冬同年友王堯堂介紹陳君達夫以赤溪志見眎披誦一過不禁愀然而悲旣又幡然而喜也蓋余於光緒庚寅居金澁老赤溪幕中距今四十年矣赤溪負山面海雖都聚草創而政簡俗醇地方有司可勲勲以親民爲務與衝繁之區簿書期會日不暇給官民有隔闕之患者迴異澁老宗雅素恤民隱下車伊始訪問疾苦卽謀纂輯志乘以資攷鏡聞見所及輒筆之於書會丁外艱去官掇拾叢橐爲雜志二卷栞行薦紳父老皆以爲得未曾有餘嘗爲文序之而奔走四方回憶幾如隔世辛酉春訪澁老於常州年八十餘意興浩然相與登

東坡艤舟亭飲酒賦詩追話前塵猶南望歛歛不置今
書成而墓有宿草豈不傷哉然晚世競談新學視舊聞
故事爲土苴乃陳君與分纂諸君惓惓梓桑推本濫老
紀述之深愔益加摻討於山川夷險政治沿革學校風
俗之原土客兵事之變以及壇廟古蹟藝文金石莫不
條分縷析斐然成章復博訪通人就賴荔垞編修而釐
定之此豈薄俗所易及耶志載歸善江孝通主政詩文
甚夥孝通學有本原主書院講席文教爲之一振尋居
母喪以哀毀卒惠州人士於豐湖築江孝子阡余曾臨
眺裴回不忍去今赤溪山水勝處往往有其遺墨鄉人
能愛護之尤見風氣樸厚彼通都大邑凡豐碑名刻悉

舉而龔粉之者相去何如也孝通荔垞堯堂及余皆己丑同歲鄉舉堯堂今長斯邑書適告成是吾數人文字因緣不期而先後聚於一隅殆冥冥中有若或使之者乎異時剗剗工竟郵致常州告濫老之靈以慰志焉未逮之思當更合泉壤而同爲愉快也已陳君屬爲隍引因述今昔之感書以歸之若夫義例精善讀者自見無俟覩縷焉番禺汪兆鏞序

序

赤溪自清同治六年丁卯設治後越二十餘年江陰金運同蒞生攝廳篆輯有雜志一冊又越三十年衡陽王君大魯知縣事以雜誌尙畧倡議編成縣志集邑人士謀之設局治事公推邑中賢達分任編輯采訪諸務復延賴煥文太史爲總纂遂觀厥成時民國九年庚申歲冬也甲子春初李君璞純宰溪招余偕來悉是志已編成剞劂且大半不意中間人事多故忽忽又閱三年今始告竣蓋纂刊若斯之難也赤溪東西南三面瀕海山巒環疊與內地交通隔閼故風氣習尙亦頗殊焉然其民族團體結合甚固相親相愛讀書之士類多奮勵出

外求學遠者且數千里竊意數年後民族丕變文化日
新可預言矣至此志體例之精審蒐討之詳備汪序已
言之不贅又汪君憬吾來溪遊幕時會有雜志之輯今
余來此志適刊竣當司總纂者爲前主講赤溪書院之
賴太史煥文志中所載江主事兩人流寓此間詩文甚
夥又去縣治西南數十步有小丘巨石礪礪其北鐫有
員山二字作篆體高尺餘係陶舍人子政代筆若四君
者皆余鄉舉同年皆於溪有鴻雪之紀亦文字中之一
段因緣也附記之以詒來哲

中華民國十五年丙寅仲冬番禺王棟序于赤溪縣署

凡例

一廣東全省現修通志條例首定斷限以宣統三年爲止義當遵守惟赤溪改廳爲縣事在宣統三年以後建置所關不得不稍從權變展至縣志始編之日爲止以符名實

一志書分類縣各不同亦因事蹟繁簡量爲離合也此志分目叅酌廣州府志新甯縣志茂名縣志嘉應州志折衷而定分總綱爲六志冢墓不屬建置而入古蹟及災祥兵事分別紀載者則依茂名縣志例別立方言一門不附輿地風俗類後則依嘉應州志例物產旁加注釋則廣州嘉應茂名諸府州縣志多同又

將敎堂附於墟市後則依日下舊聞考而皆有所依據者也

一方志通例選舉一門皆以五貢爲始赤溪建置旣晚若循嚴例則此類將闕今權將歲科取進諸生依次備列至取士之制已改則以學堂畢業榮途續之身列庠序才稱秀茂亦何莫非書升選俊之遺歟

一會稽章氏學誠論方志大致謂史傳人物現存者不合記載惟州縣之志循吏則但舉其治縣政蹟遷徙以後不復究其初終貞節婦女守節年限旌表旣有定例年齡旣過不必慮其變易惟此二類雖屬生存均可采輯竊取斯意不分存沒均與收錄耆壽亦然

蓋有所授也

一赤溪五堡地方昔隸屬新甯自同治六年土客息鬪
聯和始劃分廳治今改爲縣則赤溪設廳之所由來
與夫土客械鬪之所由起止宜有以紀之故特編開
廳始末一門附於紀述志後欲使後之覽者有所參
稽云爾

卷之四

編纂赤溪縣志職名

主編

赤溪縣知事王大魯

總纂

翰林院編修賴際熙

總編輯

分發福建任用縣知事陳用敏

總理局務兼分纂

附生楊樹芬

增生鄧景堯

分纂